

度

支

奏

議

度支奏議目錄

廣西司二卷

題覆御史梁子璠條議兩廣稅廠疏

題覆盡革僉商改爲召買折價疏

題覆遵制僉商講求蘇商長策疏

題覆巡青臺省二臣條奏京糧事疏

題請午門給散夏季商價疏

題價舊例格錢備陳沿革始末疏

題覆鍾給事銀庫報羨滿司報欠疏

暫停給散商價疏

僉足商額補買草束疏

加增粟米賑恤疏

題請草場修築牆垣疏

題覆巡青科道條議壩上事宜疏

題請預支丁字庫商價疏

覆廣盈庫變染布絹疏

覆南京戶科找給積欠商價疏

度支奏議卷之二

太子少保戶部尚書淄青畢自嚴視草

題覆御史梁子璠條議兩廣稅廠疏

題爲粵廠太苛粵民窮感懇乞

聖明禁額外之征以甦困苦事廣西清吏司案呈崇
禎二年二月三十日奉本部送戶科抄出四川
道監察御史梁子璠題前事內稱兩廣稅廠不
遵板榜舊例穀米原無稅今假託船頭而稅之
瓜果原無稅而亦稅之空船原無稅而亦稅之

人口飲食之物原無稅而亦稅之火柴原無稅而稅之小民困苦潯南二廠歸併梧州額餉總聽梧廠收解平樂桂林二府稅銀爲數不多另查抵補肇慶浚光南雄三廠乞委清廉甲科勿用貢途以滋剝削等因崇禎二年二月二十五日奉

聖旨該部查議具覆欽此欽遵抄出到部送司查得疏內事關錢糧相應具覆案呈到部該臣等看得廣西一省素稱土瘠民貧之地該省歲徵錢

糧僅供本處之兵餉總聽撫按之銷算向無
京相沿最久此

祖制也今臺臣梁子璠生于粵東仕于粵西備知兩
廣稅廠板榜之成例穀米與瓜果向來無稅而
今稅之空船與人口飲食以及火柴舊俱無稅
而今亦稅之更兼衙役之需索巡攔之騷擾把
水之縱橫民苦堪憐特爲具疏懇請

天語申飭以甦兩廣之蒸黎誠屬救時恤民之美意
所議潯州南寧兩處稅廠旣與梧州接壤相距

不遠歸併梧州總收稅銀無缺相沿之額餉可
省厥官之叢煩計莫便于此者及查平樂府每
年祇緣兵餉八百兩而設一稅廠桂林府每年
祇緣兵餉九百兩而設一稅廠計其所輸于公
者俱未及千度其所累于民者莫可勝計合無
俯照臺臣所議潯南一風歸併梧州舊有克餉
之稅總聽梧州收解以贍該省之兵平樂桂林
二府稅廠亦照臺臣所議將廠撤去所該稅銀
爲數不多議將該府州縣贖銀或存留銀兩抵

補充餉務期有便與民無求京帑以爲永計
于肇慶浚光南雄三廠選委清廉甲科管理勿
用貢途以滋剝削及額外加收穀米火柴瓜果
空船人口飲食等稅卽便刊刻板榜載之通衢
盡行禁革一切把水巡攔盡行驅逐總聽兩廣
督撫按臣加意籌畫力行申飭非臣部所能遙
制者也既經臺臣具題前來相應覆

請恭候

命下臣部移咨兩廣督撫并咨都察院轉行該省巡

按一體欽遵施行

崇禎二年三月十八日具

題本月二十一日奉

聖旨俱依議申飭行欽此

題覆盡革。僉商改爲召買折價疏。

題爲經費出納當計商民苦累堪憐懇乞

聖明嚴旨竊以清積弊復召商以蘇困民以裕財用
以重治本事廣西等清吏司案呈崇禎二年二
月初六日奉本部送戶科抄出錦衣衛衣左所
戈戟司掌印試百戶楊時茂奏前事等因二月
初三日奉

聖旨僉報重困商民冒竊兼耗國用這所奏召商時
買嚴禁鋪墊併清釐出納欺隱等弊該部作速詳

議確覆欽此本年二月十三日又奉本部送戶部
抄出順天府宛平大興二縣民劉光祖等奏爲
聖澤廣布都民未甦謹據愚忠大充庫藏大遂民生
事等因本年二月初十日奉

聖旨屢有旨先給商價乃外解衙門以商墊爲嘗拖
延不解及解到又那移別用苦累京民深爲可恨
這本說召買折給事宜多有可採該部寺從長計
議具覆并查

皇祖時曾否奉旨召商後來因何更派備細查明

來該衙門知道欽此隨該戶科祭看得僉商之
不可縷指而被僉者之苦不可殫述古來有
富民以實

京師者矣未聞令其倒篋傾囊棄妻鬻子如坐湯
火之中者也我

皇上加意斯民拳拳

綸諭不啻手拊而脉劑之是以覩

聖澤廣布一疏而惻然動念也茲奉有召買折給事
宜多有可採之

旨煌煌

天語軫念甚切自應速行酌議具覆仰副

聖天子之德意斷不可令

輦轂畿輔之氓有流離蕩析之害也抄出行之通
抄到部本年三月初三日又奉本部送戶科抄
出巡按直隸監察御史陳睿謨題爲

畿輔困累已極京商外報難堪懇乞

聖明亟賜豁免以安民心以存子遺事等因本年

月二十九日奉

聖旨僉商苦累京民轉及外縣殊非朕軫念德意
奏柴草各商着原管僉報科道回將話來預給商
價屢奉

明旨及禁革衙費嚴加申飭行該衙門知道欽此本
年三月初九日又准福建司付稱奉本部送戶
科抄出督審舖行刑科等衙門給事中等官曹
師稷等題爲編審事竣敬繳戶冊并述民艱仰
祈

聖鑒事等因本年二月十八日奉

聖旨道進繳審編戶冊甚見清楚錙銖皆小民膏血
豈容吏胥侵濫所奏覈徵收禁需索及衛縣各口
清理俱申飭行兪商從長計議已有旨了該衙門
知道欽此本年三月十三日又奉本部送戶科抄
出戶科左給事中李覺斯奏爲遵

旨回話事等因本年三月初十日奉

聖旨知道了京民報商委當從長酌議該衙門知道
欽此本年三月十四日又奉本部送戶科抄出
戶科給事中鍾炆奏爲庫商名掛臺疏謹遵

旨回話事等因本年三月初十日奉

聖旨僉編據舊商開報知道了蘇息京商講求長策
該部確議來說欽此本年二月十四日又奉本部
送戶科抄出吏科等衙門給事中等官劉漢儒
等奏爲遵

旨回話事等因本年三月初十日奉

聖旨僉報商人一節流寓旣當豁免京民不堪重困
理勢已極着戶兵工三部作速集議講求長策具
奏程一鵬等是否往來貿遷京師應否承免一併

看議來說欽此本年三月二十日又奉本部送

科抄出順天鄉官內閣

誥勅撰文試中書舍人楊振龍奏爲

聖心愛民甚殷有司奉

旨未急謹備陳僉商之害與召商之利懇乞

嚴勅速覆以甦民命以裕

國用事等因本年三月十二日奉

聖旨商役着戶兵工三部集議欽此本年三月二十

八日又奉本部送戶科抄出刑部左侍郎丁啓

濬奏爲辭

朝回籍敬陳感

恩愚悃事等因本年三月十八日奉

聖旨覽奏辭朝陳悃知道了該部知道欽此本年四月初四日又奉本部送戶科抄出督理巡青禮科等衙門給事中等官閻可陞等題爲復

祖制以恤民困除積弊以培根本事等因本年四月初一日奉

聖旨商役苦累已有旨戶兵工三部集議這所奏作

速併議來說出數浮于入數起自何年銀若現
價應量減便可出入相符着通行覈酌具奏該衙
門知道欽此本年四月十一日又奉本部送戶科
抄出四川道監察御史梁子璠題爲僉商第一
弊政召商良法當行謹陳膚見以佐集議事本
年四月初九日奉

聖旨該部速行集議具奏欽此欽遵通抄到部通送
到司查得商役事宜已經本部會同兵部尚書
等官王洽等工部尚書張鳳翔光祿寺卿韓

思等於四月二十一日集東

朝房會議在各衙門俱知僉商苦累不便而以官
買折給爲便但各衙門錢糧款項分別其隸兵
工兩部并光祿寺者應聽該衙門另行具覆及
查商人程一鵬等原係巡青科道查審編定應
否承免合聽該科道回

奏外其草料香蠟等項錢糧係隸本部相應議覆
案呈到部該臣等看得京民召商之苦至今日
極矣一苦于賠累之多再苦于壓欠之久椎肌

剝髓搶地呼天雖士民之家不得免焉古者使
富民以實

京師今何重累京民一至此也顧商人款項不同
應領錢糧亦異如

御馬等三倉并京五草場及內外象房犧牲所司
牲司大壩等二十四馬房此京糧庫應給之錢
糧也內外供用庫并酒醋麪局司苑局寶鈔司
此太倉銀庫應給之錢糧也京糧庫之錢糧出
浮于入查巡青科道聞可陞等疏云臣等巡

衙門每年所入止三十一萬有奇天啓七年所
出至三十九萬有餘即使各省直所解足數尚
欠八萬餘况拖欠之多也今歎商人草豆價十
餘萬涕泣哀號耳不忍聞目不忍見等語夫外
解既欠商價又浮壓欠日多巡青衙門安能爲
無米之炊哉查天啓六年巡青會估該用京糧
銀四十二萬八千餘兩出浮于入已及十萬餘
兩天啓七年巡青會估該用京糧銀三十九萬
一千餘兩出浮于入亦不下六萬七千餘兩此

二年間逆犯魏崔用事故濫觴如此

明旨所云出浮于入起自何年者正此二年之謂也
沿至今日虛冒成風遂牢不可破矣此京糧不
繼之繇也太倉庫之錢糧亦出浮于入者至一
百餘萬然

內供所用者多僅六萬兩少止五萬兩有奇祇緣
邊餉匱乏急邊餉則不得不緩商價而揭債出
息傾囊蕩產之禍亦所難免此太倉不繼之繇
也以故

都門官民如楊時茂劉光祖楊振龍等先後紛紛
陳乞求免僉商如脫湯火我

皇上特允其請深加憫恤屢沛

德音責令三部會議豈非痼瘼之隱念而如天之
弘仁哉臣查三部召買錢糧惟臣部最久而用商亦
最夥睹此

輦轂之民皮毛俱盡疾首蹙額而相控告若再秦越
相視不爲拯救料理是無惻隱無人心者也但
二百年來相沿之事更張實難改弦不易則就

聖心之所洞照

明旨之所已及者而姑爲調停均節其間未卜有當於事機否也查

聖旨有曰這本說召買折給事宜多有可採是今日蘇商之法誠不越乎召買折給二議矣准兵部咨萬曆十年題議召商有裴銘等出而應募後將預支銀兩花費殆盡致悞

上供參送法司追究後懲斯弊至萬曆十二年復題
魚商未之有改今日欲復召商之例恐蹈前車

等因是召商固不可行矣然則將仍僉商乎
已則用官買之法夫各倉有監督分司與管理
內監兼設者亦有專用監督及專用內監者則
官買之法可行也聞各僉商收買料草亦非沿
鄉履畝肩挑擔負而來總藉經紀牙行爲號召
此經紀牙行者僉商可用官買亦可用也若將
原有經牙立爲官牙太倉四人中倉二三人其
工食以十二兩爲率卽于本項錢糧處給如遇
秋收之時照僉商例責令經紀招集鄉販監督

會同內監及巡視科道查收收隨買隨給價銀
令監督領出預支銀兩暫寄太倉外庫隨便給
發無令積棍鑽管誑騙拖欠違者監督以不職
論則無不完之草料而商人亦可免于僉報矣
此在

御馬三倉當監督與內監同買在京五草場與象
房草場當監督官自買而巡視科道稽查其用
亦便計也乃若所當折給者亦有之如

內供用庫之香蠟也寶鈔司之稻草也從來俱有

一定之價以原無監督之官則徑折給內監可矣
外供用庫之豆草司苑局之豆草司牲司之豆
草酒醋麩局之麥豆草束藟稽亦有內監而無
監督仍以折給爲便大壩等二十四馬房俱去
京城寫遠雖有監督向俱內監爲政則仍折給
內監可矣蓋

御馬三倉錢糧頗多收買爲難內監未肯肩承似
不便于徑行折給其餘錢糧俱不甚夥故議概
折以甦商困則多寡難易之辯也犧牲所有太

常寺職官查驗有該所千戶及官軍經管是宜
責令千戶收買而監督驗收而支放焉審如此
則一切僉商俱可罷也再查科道闕可陞等疏
稱京糧庫銀節年存積二十萬盡被臣部借支
見今如洗無奈爲權宜計惟在暫免預買草豆
或一年或半年可積銀十餘萬然後以見銀給
各衙門買辦永免僉派各倉所存草豆山積雲
連儘可供一二年之需暫免預買不虧

國用此確論也但查各倉草雖有餘豆尚未充

議

御馬三倉二三兩年各減買草一半京五草場二
三兩年各減買草三分之一餘俱照例全買惟
是價值爲當議耳查得天啓四年會估冊開

御馬三倉每黑豆一石估正脚價九錢九分八釐
每草一束估正脚價五分七釐崇禎元年會估
冊開每黑豆一石估正脚價銀一兩二錢五分
每草一束估正脚價銀八分餘倉多寡不同大
率類此夫天啓四年所估衡以日中之價卽在

凶年已不爲薄乃今豆增四分之一草增三分之一顧價日增而商日困則使用之煩費可知也臣聞萬曆末年京糧銀三十二萬每歲止用二十八萬今宜責令巡青科道較數歲之中以爲常估爲一定不易之價則商免覬覦而人免朘削

明旨所謂銀若現給價應量減便可出入相符豈非明見萬里之外哉若夫京管本色料豆每年二十兩月共買黑豆三萬六千石每石價銀七錢三分

外圍皮脚價四分共七錢七分共該銀二萬七千七百二十兩亦用京糧銀項乃因奸商召買侵逋每悞放期臣近與京營總協二臣會議改爲折色較別月折色量加其價春月每石陸錢秋月每石五錢計三萬六千石共該銀一萬九千八百兩較之本色節省銀七千九百二十兩亦既公私兩便矣至于舊商壓欠價銀則以減買節省之價陸續補給亦可完局以後仍催外解嚴考成務求錙銖全完有逋欠者行道以自

簡承其後此銀坐落北直山東河南三處完解
易易耳戶部遠年所借二十萬固難遽償近日
廣平大名召買借用見議抵補以後戶部申飭
已永不借用矣若太倉雖急邊餉而既革僉商
則各項當與邊餉並急凡官買物價文到不許
遲至十日半月之外而折給內監者俱按四季
查發無愆期會以壞良法可也

明旨所謂屢有旨先給商價乃那移別用苦累京民
深爲可恨又云預給商價屢奉

明旨今華僑商而用官買折給則發價愈不容遲矣
惟是目前所當釐剔者尤在內外各衙門使用
一節樞楊時茂所奏如頂風差罰錢打到扶持
錢及招保錢見面錢茶果錢萬數錢種種積弊
名目多端今法制既更商役盡革自當徹底澄
清期完正供以甦疲民查萬曆十年奉

神宗皇帝聖旨這商人存卹事件要內外各衙門着
實行有不遵奉的在內着司禮監在外你部裏嚴
加禁飭仍與科道官不時訪聞奏欽此近奉

明旨一則曰嚴禁鋪墊一則曰禁革衙費嚴加用
行大哉

王言

聖祖

神孫如出一轍此又今日對症之藥石也所有各倉
錢糧數目及官買折給事宜另具條款細開于
後伏惟

聖明裁酌

勅下臣部轉行各該衙門遵奉施行

計開

一 御馬倉 中府草場 天師菴草場

每歲預買草二百二十三萬九千九百九十

餘束四色料豆六萬八千九百九十餘石

約用京糧庫銀二十七萬餘兩俱係喂養

御馬之用一向俱有經紀召客販置買僉商不過

墊銀以致小民破家殞命合無免僉商役

將銀陸續給發該倉監督官與該監內監

將經紀立爲官牙隨買隨給價銀庶錢糧

易完小民得甦

一京五草場 明智坊 安仁坊 西城坊

北新廠 臺基廠

五廠每歲約買草束一百一十四萬餘束約
用京糧庫銀六萬餘兩原爲恐有不虞以
備客兵支用恐年久朽壞每年京管軍養
馬十箇月俱係折銀每月八錢五分惟二
十兩月將五廠草每軍共給六十束約費
官價三兩有餘此原止爲去舊換新之法

五廠有監督官有大使官攢庫秤歲給
食一向俱有經紀召客販置買魚商不過
墊銀合無將額銀陸續給發監督官令大
使督官牙隨買隨給價銀庶錢糧易完小
民得甦

一象房草場

每歲計筭象隻多少置買大麥草束價值不
等約用京糧庫銀一萬餘兩在場有監督
官有錦衣衛千戶一向俱有經紀召客販

收買僉商不過墊銀合無免僉商役將銀
陸續給發監督官督同大使官攢將經紀
立爲官牙隨買隨給價銀庶錢糧易完小
民得甦

一犧牲所

每歲約用菜豆八百餘石黑豆五百石黃豆
七十石包兒草六百束豆稽一百二十觔
原爲祭祀牛羊兔隻喂養而設有太常寺
經管有象房監督催比本所有千戶等官

七員官軍三百餘名合無免僉商役將銀
陸續給發監督責令該所千戶收買同寺
官驗收散用庶錢糧易完小民得甦

一司牲司

每歲春秋二季買草六千六百六十餘束黑
豆七百八十餘石約用京糧銀八百餘兩
係京五草場監督帶管每年喂養羊隻止
解羊羔二百八十一隻赴光祿寺交納隨
給本寺行戶領去交價每隻不過交價三

錢合無免倉商役將銀折給該司內監自行買用庶錢糧易完小民得甦

一大壩九倉 黃土四倉 南石渠七倉俱係外二十馬房

每歲辦草料數不等俱用京糧庫銀有三監督分管原係喂養頒出

御馬監簡剩不堪馬匹合無免倉商役將銀折給該監內監自買應用庶錢糧易完小民得甦

一裏牛房 外牛房 吳家馱牛房

每歲春秋買草三萬餘束黑豆一千三百餘石俱用京糧庫銀係黃土倉監督帶管日
供喂養乳牛原爲

御膳牛乳而設合無免僉商役將銀折給該管內監
自買應用庶錢糧易完小民得甦

一內供用庫

每歲除各省直解到黃白蠟三十餘萬觔外
仍派商買

正旦元宵節一單大料降真香二萬觔沉香二千
觔沉速香二千觔三色檀香六千觔牙香
二千觔燈草一千觔黃蠟三萬觔白蠟二
萬觔中秋節一單大料降真香八千觔沉
香一千三百觔沉速香八百觔三色檀香
二千四百觔牙香一千觔燈草七百觔共
領價銀三萬二千七百二十二兩俱用太
倉庫銀係廣西司經營以充

上用但香蠟燈草外客販至京中有官經紀置買金

商不過墊銀合無免僉商役將經紀立爲
官牙額銀解付內監率官牙自行收買隨
收隨給價銀庶錢糧易完小民得甦

一外供用庫

每歲買菜豆一千六百三石一斗黃豆一百
五十四石九斗三升黑豆一千九百三十
九石一斗草五萬七千九百七十束約用
太倉庫銀八千二百餘兩原充供事官員
食用廩糈及喂養牛驢在作拽碾造香之

用係山東司經管合無免僉商役將銀折
給該庫內監自行買用庶錢糧易完小民
得甦

一司苑局

每歲買黑豆一千九百五十石草六萬五千
束俱用太倉庫銀原爲喂養

朝廷菜園驢騾應用係河南司經管合無免僉商役
將銀解付本局內監自行置買庶錢糧易
完小民得甦

一 酒醋麵局

每歲春秋二季買小麥二千四百五十餘石
黑豆九百餘石菜豆三百五十石穀草二
萬一千九百餘束外有黃豆一千三百餘
石見今內監支銀自買原用太倉庫銀係
廣西司經營合無免僉商役將前項麥豆
草錢糧盡折給內監自置庶錢糧易完小
民得甦

一 寶鈔司

每歲買京中西山所出稻草二十二萬五

觔額用太倉價銀五百二十五兩爲一

官中所用草紙而設係貴州司經管合無免僉商

役將銀解付該司內監自行置買稻草

紙應用庶錢糧易完小民得甦

崇禎二年閏四月初三日具

題本月初九日奉

聖旨商困委宜變通但僉派原屬舊制賠累絲于商
尅着官買折給侵沒辦納不前供用定致匱乏

遵舊制從公僉商嚴禁賣富僉貧宿弊其年例置
辦銀兩嚴催外解另貯發銀定期于午門外堂屬
科道公同允放官吏衙役捐勒侵尅那移短少等
弊商人面訴各官奏處巡視監督加罪其各衙門
收納錢糧真正如期外敢有勒索刁難一體嚴處
朕屢諭蘇商惠民正須剔蠹釐奸講求長策何乃
止以折給卹諉你部還遵旨另議巡青草場查果
足支二年暫停半年以便積銀現給太倉庫內供
銀止五六萬兩亦不難預儲待給併其餘未盡事

宜及後增浮價當裁俱從長議妥具奏欽此

題覆遵制僉商講求蘇商長策疏

題爲經費出納當計商民苦累堪憐懇乞

聖明嚴冒竊以清積弊復召商以甦困民以裕財用
以重治本事廣西清吏司案呈閏四月十四日
奉本部送戶科抄出本部題覆楊時茂等奏議
召商折給事宜緣絲崇禎二年閏四月初九日
奉

聖旨商困委宜變通但僉派原屬舊制賠累絲于勒
尅若官買折給侵沒辦納不前供用定致匱乏還

導舊制從公僉商嚴禁實富僉貧宿弊其年例
辦銀兩嚴催外解另貯發銀定期于午門外堂
科道公同兌放官吏衙役指勒侵尅那移短少等
弊商人面訴各官奏處巡視監督加罪其各衙門
收納錢糧真正如期外敢有勒索刁難一體嚴
朕屢諭蘇商惠民正須剔蠹釐奸講求長策何乃
止以折給卸諉你部還遵旨另議巡青草場查
足支二年暫停半年以便積銀現給太倉庫內
銀止五六萬兩亦不難預儲待給併其餘未盡

宜及後增浮價當裁俱從長議妥具奏欽此欽遵
抄出到部送司遵卽行文各該衙門一體欽遵
外所有巡青草場查果足支二年暫停半年一
款隨卽劄行各該監督確查去後除內外象房
倉二十四馬牛房倉俱係計日派辦料草並無
餘積不開外行據

御馬監督員外郎李孔度呈稱准內場太監黃成
德等中府場太監趙受祿等天師菴場太監張
信等各稱每年每場各派草七十四萬六千六

百六十餘束遇閏加草四萬束內場每月亦
五千七百四十餘石以一年之辦納僅供一年
之支放因歷年多方樽節積蓄餘草計三十萬
餘束原非正數今查料豆無餘其閏月草未嘗
割派已將前項積存草束通融支放外各場
草二十六萬餘束卽作正支銷亦不足兩年之
需也又據京五草場監督員外郎王肇生主
李不伐各呈稱每年俱于八月間查筭每場
例草束除放過外計共存場多寡具呈本部

數題買麥足每場年例草三十萬束以備每
坐放在京三大營馬匹之用天啓六年分每場
放過年例草二十二萬餘束天啓七年分每場
放過年例草一十八萬餘束崇禎元年分每場
放過年例草一十八萬餘束俱經按年買補訖
今查崇禎二年分約計每場該放年例草一十
八萬餘束存場年例草計一十一萬餘束候至
本年八月內查照放數具題買補仍足每場三
十萬束之數此外又每場存積軍興援兵二項

草共計二十八萬餘束不等俱係預備緩急
之需原非三大營馬匹支放之數各等因到部
相應具覆案呈到部該臣等看得僉商一事年
來苦累已極交章瀆陳急欲脫離水火而登之
衽席臣部一時謬迷無策不得已而爲召買折
給之說夫亦就諸疏所已言與

明旨所已及者稍爲調停折衷云爾不虞其事之窒
礙而難行也

明旨所謂侵沒辦納不前供用定致匱乏者固已洞

見顛委矣至又申明召商原係

祖制而嚴禁于賣富差貧買價務在另貯而定期於
午門兌放錢糧止求真正而重處夫勒索刁難且
也暫停有餘之草束以便積銀現給酌裁後增
之浮價并飭從長妥議煌煌

廟謨真濟世之慈航而醫

國之良劑也臣自念智慮不及萬一則不勝媿又
自幸

睿斷可藉奉行又不勝感矣查

御馬中府天師三草場每年各派草七十四萬
千六百六十餘束而今現存三十萬餘束今歲
召買卽量減三分之一非過也京五草場每年
積貯以三十萬爲額每年支放以十八萬有奇
爲額隨卽買補而原備軍興之近三十萬者不
與焉夫積久未免易腐出陳可以易新通融支
放今歲召買卽并減三分之一亦非過也祇緣
錢糧匱乏之極稍借減買以便積儲此外不敢
更議減矣其他各倉司庫并無贏餘則姑仍基

舊耳巡青錢糧每一歲有一歲之入俱在牝庫
山東河南等處若加意督催可不虞匱乏而又
索舊借索召買于臣部夫召買係新借約三四
萬臣部自當措還不敢通也若舊借二十餘萬
每年姑還銀三萬兩按月湊放約以七年還完
則積儲漸裕矣至於

明旨所云太倉庫內供銀止五六萬兩不難預儲待
給况新經供用庫免辦中秋元旦二單香料約
可省銀三萬二千兩又可爲儲積地乎臣部誠

不敢不努力圖之也以後每遇季終之月臣部
通行各司及移會巡青料道并太倉銀庫備查
各商出過實收通關應支放銀若干庫內另項
積貯存銀若干計庫貯之盈縮筭應給之多寡
每月望日以後預題一疏奉有

明旨然後于念五日詣

午門外臣部堂屬會同科道唱名允放則官吏衙
役措勒侵尅短少等弊庶可一掃而空之矣不
者商人面訴奏處夫復何辭至于收納錢糧止

以真正爲主而勒索刁難者有禁其無內監者
責成當專在監督臣部得而問之其有內監者
事權又全在內監仍藉

天語之申飭耳夫內監無論已如監督各官舍香粉
署啣

命而司錢穀之出納柰何不自愛其鼎而至骨折乾
常例之浮議乎從前管草場者頗多而論者多
屈指王國瑚王楫以爲清白則今新任各官宜
明懸法戒厚自滌除匪直常例當捐并舊套轎

馬錢抄報錢班皂錢水夫錢及各項雜用錢均
當一體禁革以示徹底清楚者也巡視科道且
執白簡以議其後是可不爲長慮而却顧乎若
夫議裁後增浮價一節除香蠟稻草俱有定價
外其

御馬三倉京五草場大壩二十四馬房俱用巡音
錢糧外供用庫司苑局酒醋麵局俱用太倉錢
糧今二項錢糧所入既不足以供所出而草豆
價值自天啓六七年來浮冒特甚當此法制更

新之時若不改絃易轍安所底止且衙門有使
費之議監督有常例之嫌總皆浮冒爲之巢也
臣查萬曆末年冊籍具在估價甚廉迨天啓元
二年而稍溢焉至四五年而更溢焉抵六七年
則濫觴極矣今縱不能取法乎上如萬曆末年
之制亦當僅得乎中姑如五年之例所謂去泰
去甚革弊以漸似難盡徇商人之言以災傷借
口者也要其所減損者究亦樽節以給諸商俾
無壓欠而已臣因

明旨議裁浮價故敢爲啾啾如此及查近日巡青
道之言似有異同是在

聖明之裁斷可耳議定之後事期畫一雖在舊商亦
遵新價如念完納在前守候日久量增所減新
價之半通俟六月下旬在

午門前給放爲始以後按季舉行者也又若僉報
商人原係巡青職掌據各商控訴往年僉商有
挾仇而報者有騙詐未遂而報者今欲一懲前
轍必令僉商之日先著舊商體訪殷實之家上

分的確然後呈報某人有市產若干有資本若干可應某商卽以其商僉之如所報不真仍用舊商而釋新商如此約法章明斷在必行而商人猶敢捏貧作富實富差貧者鮮矣臣仰藉聖明之謨謀并據愚衷之鄙見稍爲披陳以奉

明綸伏祈

勅下臣部行文各該衙門一體遵奉施行

崇禎二年五月二十日具

題本月二十四日奉

聖旨道蘇商事宜既酌議詳妥依奏應給商價每季
月念五日你部堂屬官會同巡視科道於午門外
唱名給散有指尅短少等弊許商人即時陳訴收
納常例內外衙門通行禁革違者巡視官一體察
奏御馬三場京五場草束今歲減買三分之一各
倉司庫照舊草料浮價依天啓五年例酌減外解
嚴催司府部欠分歲補還及僉商責成舊商確報
俱如議行該衙門知道欽此

題覆巡青臺省二臣條奏京糧事宜疏

題爲摘陳欸要以甦商困事廣西漕吏司案呈崇
禎二年五月十六日奉本部送戶科抄出禮科
給事中陳贊化題前事等因本年五月十二日
奉

聖旨這所奏蘇商四款着如議申飭巡視監督務矢
公廉不得因仍陋習自干三尺如監督有弊巡視
不舉罪同沈旋勘明議處該部知道欽此崇禎二
年五月十八日又奉本部送戶科抄出陝西道

監察御史趙延慶題爲矢心約法仰乞

聖明勅行遵守以便責成以勵職掌事等因本年五
月十一日奉

聖旨前戶部議覆商困一疏有旨從長議妥因何至
今未奏着速議奏來這本內可採事宜并與覆行
草場暫停半年原爲積銀現給省直應解錢糧星
速行催大名廣平借動銀限六月初旬補解如過
期不解就着巡視官叅處該衙門知道欽此欽遵
通抄到部通送到司查得巡青科道條議二疏

共計一十一款大都條陳京糧剔弊蘇商至
相應併覆奏呈到部該臣等看得商役苦累委
稱至極各官交章題議臣部斟酌具覆近奉

明綸見在頒布遵行今巡青科臣陳贊化臺臣趙延
慶仰體

皇上德意各疏條議上

請查其款項雖有繁簡互異總皆預儲京糧以爲支
放之地痛革常例以杜濫觴之端遵奉

旨以明允放之規慎僉商役以甦向隅之累均救

時之急着而釐弊之良法也相應逐款查議登
答具覆伏乞

聖明勅下臣部行文各該衙門一體遵奉施行

計開

- 一 那借之弊宜清又曰清那借查科臣臺臣
- 二 款畧同

前件看得萬曆四十八等年本部前任尚
書李汝華等因遼黔缺餉借過巡青京
糧銀共二十萬餘兩原議補還後因軍

餉不敷稽延抵今上年巡青科道劉
儒等具疏索償臣部正在酌議措處
科臣陳贊化臺臣趙延慶因商價至急
復行具題索還一日每年還銀四萬兩
一日每年還銀五萬兩不議全完而議
零還足仍同舟之雅誼備見相體之至
情臣部何敢諉言遠年舊欠不爲勉力
圖償乎頃於經費出納當計疏內議明
每歲還銀三萬兩約以七年還完內新

餉司原借銀十五萬六千六百九十二兩
四錢零每年應還銀二萬二千三百八
十四兩三錢零每季應還銀五千五百
九十六兩零舊餉司原借銀五萬兩查
崇禎元年二月分該巡青項下給放
軍料豆折銀五千一百四十二兩八錢
臣部劄令舊庫照數發銀代放抵作前
借巡青銀兩尚該銀四萬四千八百五
十七兩一錢每年應還銀六千四百

兩一錢七分零每季應還銀一千六百
二兩四分零務令照數償還決不再在
逋負以起諸商之觖望而煩巡青之推
索者也又臣部新借大名廣平召買銀
三萬七千六百餘兩見在劄令新舊二
庫作速補還自今以後永不借用如省
直有不奉

明旨將京糧銀兩擅自那移者卽以那移之罪罪之
與臣部無干庶款項清楚而銷算易明

也伏候

聖裁

一、允放之規宜立。又曰信。

明旨查科臣臺臣二款畧同。

前件看得京糧銀兩係給商價值自來。另貯一庫。凡有解到。不論多寡。巡青科道。公同銀庫主事。隨時收貯。科道定期給散。此舊例也。今議凡有外解解到銀兩。卽着原解官以原封暫寄太倉報之。

部俟積至四五萬金發單預示將銀
至

午門外從公兌放不經吏書之手不惟可免需索
之弊大家俱省瓜李之嫌委稱直捷善
法但臣部近議商價俱於季終題發若
遇解到與給發之期相距不遠誠覺便
益倘有到自季初必俟季終兌散恐解
役不能守候三月之久合無以後凡外
解銀兩到在季初者仍聽科道公用銀

庫主事預爲收貯明白責令解官先期
如解到去兌放期限不遠免其入庫照
依科道所議卽令解役運至

午門原封兌放庶解役得免庫秤需索而巡視亦
省一番收放兩得其便此固科道調停
之術而亦經久可行之法也伏候

聖裁

一 壓徵之例宜破又曰緊外解查科臣臺臣
二 款畧同

前件看得

國家多事軍餉不敷各項錢糧務令按年全解
者卽以考成之例查叅見在舉行但各
省直州縣事體不同有現徵者有壓徵
者相沿已久頗難槩齊如京糧一項自
祖制派額至今並無增益似屬易完今以壓徵之故
應給商價動欠經年望外解如雲霓以
致草料當年而納官價隔年而給殊非
法之平也今照巡青科道二臣所議今

後北直山東河南等處凡有應解京糧
州縣照依新議將京糧銀兩其現徵者
卽於當年徵解無論矣卽壓徵者務要
以六分現年起解用濟京庾之匱以四
分姑俟明春解足以結一歲之局并現
催積欠俱盡數速完其京糧全完者註
上考如仍前逋負者聽巡青科道查所
欠多寡從重叅罰庶外解漸臻而京庾
可濟矣伏候

聖裁

一 濫觴之習當戒又曰嚴覺察查科臣臺臣

二 欵畧同

前件看得

御馬倉草場草料監督司查收內監司放給內外

各官相須爲政今查科臣論列疏中責

備先任

御馬倉監督沈坵草不覈束料不稽數索受

御馬天師中府三場常例各以千百金計夫商人

就輕而避重監督見利而迷心常例
索人實有口豈得於本官而原之但
沈旋任事在天啓七年正月彼時正
在林下時也茲據稟揭控訴本官管
之日正逆璫橫肆之時番役廣布隨
緝傳如晉北新大軍二倉主事李柱
稍有染指輒加極刑寧敢公然需索
者况又有內監徐文輔督查戶工
倉庫如錢糧果有未明恐亦未肯

容隱也議干多賊事屬曖昧似難懸坐
第本官自恃名臣之裔習於驕奢罔知
節省每遇下場收受草料恣意飲食漫
無約束誠屬有之值今

功令森竦法制凜肅科道既有風聞不得不爲指
摘沈坵既有物議自難廁名計曹所當
重加降調以儆疎庸以垂鑒戒者也至
於大老二老查係草場大使副使稱呼
此等卑官念念在得法令密布則猶知

顧忌一有闕畧卽難保必無但係週年
任滿隨卽改選回籍經今兩年尤難追
究而正其罪至于鋪墊門禁等費查係
內監爲政或有或無臣部不得而問况
今

聖度維新百務振舉自今以後

功令綦明巡視恭慎從前陋習一洗可清若有犯
者寧送白簡伏候

聖裁

一慎僉商一欵係臺臣疏

前件看得召買用商原係歷年

祖制先年庫藏充盈給發依期商無稱苦後因錢糧
匱乏給發稍遲如係殷實之輩力可通
融不甚稱苦如係貧窶之家有借貸出
息者有賣房鬻產者其緊要處惟在報
商更替之際實爲根源今臺臣欲剔除
弊根極力主張務以殷富爲主誠得其
要領也臣部前疏議以僉商之日先着

舊商僉報一人指其市產詳其資本所
報新商果係堪役不容倖脫如新商委
係不堪卽仍役舊商而釋新商斷不許
舊商再報與臺臣議政同如此則賣官
僉貧之弊不期杜而自杜矣伏候

聖裁

一防虛冒一欵係臺臣疏

前件看得各倉場皆貯草束而虛冒獨以
京五場爲言者臣部細查其繇蓋因京

五場草束皆給三大管馬匹實因軍人
樂於折乾買籌而滋此弊然亦繇於收
時朦朧少納虛出通關則不免於放時
買籌少放曲爲掩盖今經臺臣條議及
此委係釐奸革弊深意所當依議嗣後
凡遇該場收草之際務將草束分列小
堆頓放聽巡視科道下場抽驗明白方
收大塚至放草日每軍如例領草三十
束務足四百五十斤之數倘有短少許

諸軍赴巡視衙門稟告不得仍前私行
折乾犯者治罪夫京五場原無內監純
任監督果能繁已奉公自當徹底清楚
寧有因仍積弊折乾買籌之事乎臺省
耳目昭彰臣部留心覺察此後宜倍爲
凜凜矣伏候

聖裁

一重事權一欵係臺臣疏

前件看得錢糧各有欵項職掌自有攸分

省直京邊錢糧查收并九邊軍餉給發
俱係銀庫主事專管另有巡視銀庫科
道司其掛銷其京糧一項係巡青科道
專司掛銷兼管收放銀庫主事止於陪
視同登簿籍此係歷來相沿

舊制今臺臣因見各項錢糧俱主事收放欲將京糧
亦爲歸併兼攝此其矢心公廉良可想
見但太倉之收放頭緒原笈日無寧畧
近據監督主事馮世熙具揭力辭深以

曠職爲懼越俎爲嫌及查京糧一項
數無多收放簡捷諒科道二臣照舊
管亦事之易易者耳既有定制難以
張姑仍舊貫實爲妥便伏候

聖裁

崇禎二年六月初二日具

題本月初九日奉

聖旨這疏覆條奏京糧事宜各款俱依議申飭遵行
沈旋着降二級調外任用該衙門知道欽此

題請 午門給散夏季商價疏

題爲經費出納當計商民苦累堪憐懇乞

聖明嚴旨竊以清積弊復召商以甦困民以裕財用
以重治本事廣西清吏司案呈崇禎二年五月
二十八日奉本部送戶科抄出本部題覆蘇商
事宜緣繇本年五月二十四日奉

聖旨這蘇商事宜旣酌議詳妥依奏應給商價每季
月念五日你部堂屬官會同巡視科道於午門外
唱名給散有措尅短少等弊許商人卽時陳訴收

納常例內外衙門通行禁革違者巡視官

奏御馬三場京五場草束今歲減買三分之一

倉司庫照舊草料浮價依天啓五年例酌減外

嚴催司府部欠分歲補還及僉商責成舊商確

俱如議行該衙門知道欽此欽遵抄出到部送司

隨一面行文巡青科道衙門并太倉銀庫備

應給商價及庫貯銀兩各數目一面遵照原

事理備查京糧項下各商完過料草價值銀

除內有未經奉

旨之先給發全完并其商名下先經給過若干卷
不計外仍查未經領完者卽以未領銀數仍給
料草石束之數悉照天啓五年原估量增所減
一半逐款磨算共計減銀五千七百七十五兩
一錢九分九釐八毫三絲三忽今准巡青科道
手本所開商價除查無部劄到庫并無掛號執
結者又有雖經劄發而巡青手本未開者俱俟
秋季查明給發外實在共應給銀七萬七千三
百三十七兩八分三釐一毫九忽又查京糧庫

冊報庫貯并續到寄庫銀五項共五萬五千
百八十二兩三錢八分七毫又新餉司補還
名府七年買豆原借京糧銀九千七百五十
兩六錢七分零廣平府七年納米原借七年
年京糧銀二萬二千一百六十五兩八錢八
順德府元年納米原借京糧銀一萬二百一
五兩四錢一分八釐八毫四絲又認還節年
餉借巡青銀今夏季該還五千五百九十六
零以上四項共計補還京糧銀四萬七千七

三十三兩九錢六分八釐八毫四絲通共在
銀十萬三千七百一十六兩三錢四分九釐五
毫四絲已踰應放之數又太倉庫內冊報并各
司付開應給商價銀共該銀三萬五千八十一
兩三分一釐四毫除照例扣減銀一千一百一
十八兩九錢一分三釐七毫實該銀三萬三千
九百六十二兩七錢一分七釐七毫值今庫藏
空虛軍餉告急不能全給今擬量給十分之六
七以爲接濟用副甦商至意相應具題案呈到

部該臣等看得憐商困而厚加體恤此

聖明之新恩也值季終而

午門唱散此

聖明之新制也臣部奉以周旋何敢後焉臣所慮者
祇恐錢糧不敷使煌煌

天語一番德意又成畫餅失信屯膏則臣之罪大矣
茲借巡青二臣之風稜飛檄督催外解沓至共
得京糧銀五萬五千九百八十餘兩臣部新餉
司又補還近年召買及節年遼餉借用京糧

四萬七千七百三十餘兩緣既奉

旨償還臣部不敢不勉竭蹶補湊惟力是視幸有
到新餉銀兩臣寧暫緩關寧挨月之餉而欲
完商價唱散之典所以得及此數也通計京
已踰十萬以外視各商應放之數固已寬然
餘裕矣惟有太倉應放商價適值庫藏空虛
解不至舊餉告急所在呼庚雖難遽爽期會
難盡爲取盈臣苦心搜索百計那借僅得銀
二萬二千餘兩尚欠萬金以上故於各商量給

十分之七而於香商量給十分之六緣各商
欲亟完新派而香商則已暫停二單也其餘得
俟秋季全發若在千金下者爲數不多今已
給矣至於欽奉

明旨量爲減扣又有可得而言者查天啓六七兩年
及崇禎元年商價時估太濫臣頃酌議適中
照天啓五年時估又念完納在前守候日久
增所減原價之半錙銖層積京糧太倉二
共減銀六千八百九十餘兩庶幾泰山之

滄溟之涓滴矣先是積商嗜利沿習冒濫一聞
新令嗷嗷不休臣諭之曰

皇上新立規制定爲

午門唱散之法內外衙門員役使用從此盡行滌
除若仍照舊浮溢誰不起而垂涎惟稍加裁節
則爾輩益得借以有辭於人矣且積年逋欠者
一朝全給此亦維新之典而

浩蕩之恩也視之往日錢糧不敷經年累歲揭債起
息者何如支放不前轉求竿牘夤緣請託者何

如則今日此須之減扣又何損于爾輩哉况商
價嘗苦不敷則今日之扣留又皆爾輩異日之
給領所爲源源不竭者也諸商始語塞而退然
愚民無知不能保其不怨尤者臣一念癡愚大
懼今日改弦之初作法於涼後將無所底止復
蹈前轍一力擔當總爲裕

國卹商起見卽謗讟固甘之矣伏祈

勅下臣部查照後開應給商價銀錢數目至六月

十五日臣等率領司屬會同巡青科道陳贊

趙延慶巡視太倉銀庫科道馮杰龔一程照
於

午門前唱名給散則

皇仁大沛而積弊一清矣

崇禎二年六月十九日具

題本月二十三日奉

聖旨是其太倉庫應給銀秋季務期全發銀既現給
估價自應量減以後照例畫一行欽此

商價舊例搭錢備陳沿革始末疏

題爲商價舊例搭錢備陳沿革始末仰祈

聖斷以便遵行事廣西等清吏司案呈案查崇禎
年六月二十八日奉本部送戶科抄出本部題
爲經費出納當計商民苦累堪憐等事請放夏
季商價緣繇本年六月二十三日奉

聖旨是其太倉庫應給銀秋季務期全完銀既現給
估價自應量減以後照例畫一行欽此欽遵通行
各該衙門遵守除夏季支給外迄今秋季又當

放給之期其商價搭錢一事卷查萬曆二十
年三月內准工部咨該戶科給事中郝敬條
設立官局廣鑄制錢事宜奉

旨看議移咨到部隨行山東等十三司會議得

京師通用官錢民已習而安之今後凡軍糧商
每銀一錢搭銅錢三分以五十文支放其用
浩其利甚溥等因移會工部題奉

欽依在卷萬曆二十八年三月內該本部題爲急

溥困以杜蠹端事奉

神宗皇帝聖旨今各省直行用新舊銅錢處處不
你部裏既已講究明白且着令南北寶源局加
添爐漸次增鑄仍申明法制務使兩京內外上下
流通各稅贖等銀錢兼收仍散給官俸軍糧商價
等項應用期於阜國便民永遠遵行欽此欽遵嗣
後凡軍糧商價俱搭錢三分之一支放或遇無
錢卽以錢數折銀放給至天啓五年七月間該
刑科給事中霍維華河南道御史梁夢環題爲
酌定估放編審之規等事內稱搭錢而復折銀

慕四朝三總屬獎政今議放銀時着各商公
敲針秤兌務照原估數目稱兌足額等因奉
熹宗皇帝聖旨這本說商困三條洞悉情弊以後
踵行故智貽累各商者許開單揭告審實重治不
饒欽此欽遵續該本部查原疏內

旨內并無應否搭錢字樣礙難出劄又經移會原
科道去後續准回稱搭錢之說不知起自何
伊時必有錢而後搭也今本衙門并無錢矣
何搭焉存搭錢之空名爲減銀之實害此本

院所以目擊心傷而據實以請也疏內務照原估數目秤兌足額不得分毫短少數語已括盡無餘今後止照原估數目出給執結如此後本衙門有錢之時亦須照市行之數搭放不得短少一文若終於無錢則永守此秤兌足額不得分毫短少而已等因移會前來隨通行京糧庫訖又據供用庫商人劉澤等酒醋局商人吳應選等各告稱比給實價等情續該本司查議說堂該本部尚書李起元允行同山東司經管外

供用庫料草商人俱一體准給實價免行
在案惟河南司經管司苑局料草商價貴州司
經管寶鈔司稻草商價未改搭錢之例至崇禎
二年六月內本部遵奉

明旨于

午門外放給商價該本部查得

御馬等各倉場料草價銀係京糧庫項下應給錢
糧因本庫并無銅錢故爲題給銀兩其酒醋麵
局并內外供用庫及司苑局等項料草價銀

太倉庫項下應給錢糧時因庫藏空虛軍儲
急而商價又屬難緩太倉見在貯錢又司苑局
寶鈔司商價俱搭錢三分之一見有成例隨議
內供用庫香璣外供用庫酒醋麵局料草各商
價俱照例搭錢具題奏放訖今據內供用庫商
人陳國善等告稱先年已經巡視科道題奉
欽依免搭制錢在卷告部蒙批司查送司查得

午門給散法體崇嚴毋許臨時纏稟相應備查類
未具題以便畫一遵守等因案呈到部該臣等

看得

國家銀錢通用官俸軍糧商價一體搭錢肇自萬曆二十七年科臣郝敬條議奉有

神廟明旨申飭以後三七搭放每五十文作銀一錢相沿幾三十年矣至天啓五年巡青科道霍維華梁夢環因憐商困題禁搭錢折銀卽搭錢時亦隨時價不得短少分毫於是京糧項下草場諸商盡易錢爲銀卽臣部太倉項下內外供用庫及酒醋麵局諸商援例乞恩亦易錢爲銀矣

惟河南司經管司苑局料草商價未改搭錢
舊然已與時低昂漸遵今制改爲六十五文作
銀一錢銷算獨貴州司經管寶鈔司稻草商價
以其物賤價廉仍是五十文銷算未之改也臣
部前於六月內題發商價時查京糧庫原無貯
錢無可議搭其太倉庫貯有銅錢自當循例搭
放彼時市價原係每銀一錢計錢七十文以上
臣部查得崇禎元年十月初一日順天府五城
兩縣接出

聖諭今後府縣五城一切錢糧房號及官吏師生
費廩餼衙役工食俱銀一錢二八收放每錢六
五文當銀一錢一例收支斷自十月朔日爲始
城內外一體遵守不許借口選擇上下增減欽
又崇禎二年五月初四日巡視中城御史李
春等題爲極言錢法之壞等事奉

聖旨制錢裕國正須便民前有旨六十五文行使
復壅阻違旨病民致壞錢法巡視與有責任欽
臣部隨經遵依除稻草商價仍舊外其餘各

俱每錢六十五文題發訖非敢以意見爲低
也今各商謂搭錢內尚有些須虧損仍援昔
舊例告擾希求免搭及查

京師見行事例官俸搭錢京營各軍折色料草搭
錢每季支銀二月支錢一月薊密永昌軍餉搭
錢以上俱照六十五文折算京營班軍米折
菜搭錢在京衛所監局軍匠布花搭錢俱照舊
例五十文折算又不特河南貴州二司商價已
也何獨於供用酒醋商價而疑之恐商價雖重

不重於官俸軍糧也商人固當優恤而職官
軍亦未可輕視也一處扞格則處處齟齬矣
部寶泉局鑄錢事例收錢崇文門稅課解錢有
入無出將安用之粵稽銀錢兼用自是我

朝良法美意今昔

聖諭明旨炳若日星豈容藐忽也者其當守三
舊例無疑矣昔年以五十文作數而今且指
六十五文昔年或訛而爲三分之一而今仍
三七之初議則於各商亦未嘗虧苦也獨

糧商人與太倉商人既同一體而一以有錢而搭一以無錢而不搭未免差池及查先年舊例庫無貯錢卽將每錢一千折銀一兩五錢此卽所謂搭錢而復給銀者衡之六十五文之價亦頗相當今似仍當倣而行之則京糧用京糧之法太倉用太倉之法固並行而不相悖者也而各商亦無菀枯不均之嘆矣要以法貴畫一政須繇舊則天啓五年一時之紛更恐未可爲百世之永制也當茲左藏空匱之時省一分則

國家儲一分之用臣愚區區瘼心熱腸誠有不能
徇情廢法者耳目今放期伊邇誠恐愚民利
錙銖執迷不悟臨時或有爭執不得不蚤爲

請取旨

上裁伏乞

皇上查照搭錢沿革始末特賜

乾斷太倉商人如內外供用庫酒醋麵局司苑局
商價照舊以六十五文搭放寶鈔司商價照
以五十文搭放京糧商價照舊搭錢十分搭

每錢一千折銀一兩五錢永爲定制惟復別
定奪恭候

命下臣部以便移文各衙門并曉諭各商一體欽
施行

崇禎二年九月初八日具

題本月十一日奉

聖旨商價銀錢三七搭放遵舊制行錢值旣通用
十五文寶鈔司物賤價廉便應減價不宜減錢該
部還酌議畫一具奏欽此

題覆鍾給事銀庫報羨藩司報欠疏

題爲銀庫報羨之規宜革藩司報欠之弊宜清
國體賦法兩有攸關仰祈飭法剔弊事冊庫山西
清吏司會同廣西清吏司案呈崇禎二年二月
三十日奉本部送戶科抄出戶科給事中鍾爝
題前事本年二月十四日奉

聖旨庫銀報羨查係何年規例以憑議革外解完欠
藩司查叅不明有司何以懲勸着嚴行申飭津門
掣籤截漕聽餉部酌行該部知道欽此欽遵抄出

到部送司查得津門掣籤截漕該雲南司案呈
移咨倉場督部會同天津餉部酌行訖其庫銀
報羨及藩司報欠二事相應查議具覆案呈到
部該臣等看得

國家受有餘之名而實損大體人臣居急公之誼
而實啓弊端者莫如報羨一事報羨之說外衙
門皆有之而新舊兩銀庫近日每差滿報羨亦
輒以二三千金計夫兩輕必無羨兩重亦必無
羨非斟酌於出入之際則較量於多寡之間

搏節錙銖亦大費措處科臣目擊其狀宜鯁鯁
言之而以爲報羨之規宜革也夫報羨之例相
沿已久初亦出于偶爾未以必報爲正且以報
多爲能也至敗璫徐文輔黨惡共濟遂欲報羨
過多以得逆璫歡心更肆爲剝削矣嗣後人臣
急公必欲取盈而羨餘竟同正額爲確不可少
者此勢之不得不然也嘗思羨餘之說或總入
而零出入多而出少積累於秤頭之間豈謂無
餘而針頭削鐵佛面括金殊覺瑣碎無當政體

未有以是入卽以是出而猶有羨餘可報以
廉能者也卽令今日諸臣各知奉法各知自愛
拮据報羨咸出急公一念倘日久弊生豈無借
以行其私因借以滿其壑者是今日急公之端
回導後日侵漁培克之便徑也今臣部已行究
支矣銀多不入庫何從而有羨已較準法馬矣
入庫者兩平相準不差毫忽何得而有羨及查
新庫報羨不過倣於舊庫而舊庫報羨以年遠
無從稽查此報羨之斷乎當革而不宜以纖悉

開無窮之弊也至于查叅完欠舊惟司道開報
是憑今據科臣所陳岳州府京邊已完過七分
而反受全欠之名山陰縣人

覲以誤開逋欠而幾礙行取之路是何司道不足憑
乃爾耶則其弊有二一在受下役之蒙蔽每見
貪葺有司諸所徵解或盜公以肥已或賄放而
營私及至報滿

覲遷正額短虧懼罹禍謫于是賄通司府猾胥混甲
爲乙移少作多而該司或以事冗案叢不及覺

察比比皆是矣一在掩自己之那移大抵藩司
總司利孔或有智昏力綿緩急輕重解放失宜
多以州縣所解京邊那作別項支銷一遇報部
勢不得不隱完作欠誣人脫已此則藩司躬爲
敝藪幾于猫鼠同眠矣誠能祛此二弊則藩司
按各屬之所解以別完欠臣部按藩司之所開
以行查叅安所煩科臣過計哉顧二弊之申飭
在臣部行之祇屬空文必藩司任之乃見實蹟
有如故套因循仍致查叅淆混安得有江防道

趙彥復代爲岳州解嘲又安得有山陰縣身在
輯瑞帶原冊自剖哉竊謂藩司于州縣低昂可
以惟意州縣于臣部呼吸不能輒通惟撫臣節
鎮一方視司府州縣均有相臨之分其與臣部
亦有相成之誼合無容臣移咨各省直撫臣令
所屬州縣遇有起解錢糧一面差投司府一面
申報該撫月日數目俱要相同每歲季終撫臣
將各州縣所申報數彙咨本部臣部收備存案
候通行查叅日以藩司報冊合撫臣咨文互相

磨對少有異同立移詰責則州縣司府無所
其情弊查叅完欠有所憑以勸懲或亦清賦之
一助乎蓋報羨第一革除便可徹底澄清而報
欠非借互稽未免上下關格故竊因科臣所言
而引伸之若此伏惟

聖裁申飭曉諭施行

崇禎二年十月初十日具

題本月十四日奉

聖旨銀庫既行笮支且出入平準以後管庫差滿實

在錢糧清覈開銷不必報羨其省直州縣解銀司
府併申該撫季報備部查叅俱依議行欽此

暫停給散商價疏

題爲經費出納當計商民苦累堪憐懇乞

聖明嚴冒竊以清積弊復召商以蘇困民以重治本
事廣西清吏司案呈案查商價一事原奉

明旨每于季月二十五日臣部率領司屬會同科道
于

午門外唱名給散除本年夏秋二季俱遵

旨奉行給散外今查本年冬季將終商價例應具題
給散但因夷虜竊入內地援兵雲集軍餉不敷

萬分無措除太倉空匱外臣部又經具題將
糧銀兩那作軍餉急用已蒙

聖明俞旨下部逐日支放所存無幾合無議將商價
暫停一次候事平日外解有到隨卽具題補給
此係乾坤不經見之事故爲權宜不得已之計
想商役亦當共亮也伏乞

勅下臣部出示曉諭遵奉施行

崇禎二年十二月二十日具 題本月二十三日奉
聖旨是欽此

僉足商額補買草束疏

題爲僉足商額補買草束以重根本事廣西清吏司案呈奉本部送據監督主事李不佺程世培呈稱京五場每場每年積年例草三十萬束以備京營馬匹二十兩月之需此歷來舊例也查萬曆四十六年奉劄添買預備軍興草十萬束四十七年又蒙總督倉場本部尚書張問達題買預備軍興草十萬束本年又該御史鄭宗周具題添買援兵草十萬束共三十萬束比時除

放給杜總兵援兵草外實存場二十七萬有奇
頗稱饒餘今偶虜騎臨城援兵雲集幸昔日預
添于無事之時至今日實受其莫大之益查各
場年例草束除存場者僅供三大營目今二月
例放之外剩存不過一二萬而已見辦一十
萬有奇去年十月十五日奉劄二十日開徵二
十七日卽聞夷警其預備軍援草束時遇援軍
雲集運給各門數及拾餘萬束不等除將確數
移查明白另冊呈報外理宜速爲採辦以保

全但緣近畿地方被夷殘害採辦必艱惟僉
商額衆擊易舉爲第一着也查每場原額一
五名節恐僉派騷擾漸減至五六名且五六名
中尚有無力承辦暨籤有名無實者應役僅三
四名而已目今商力匱竭其間又有在外夷實
無踪者有逃避不出者若非速僉足額司事者
恐無他術再照僉商以致暨籤之故皆所報者
不顧公務爲重惟以報復私讐爲本無力上納
刑比鞭笞勉辦有幾不能完局勢必懇求夥商

將所辦津貼其名豎籤以致商役有名無實

無移會巡青衙門亟僉商役務使開報股實人

人濟用敢有復蹈前轍者加之重罪庶獎實可

塞實用有裨矣等因到部送司查得京五場舊

例每年每場題買馬草三十萬束以備京營

月十月支領本色之用向無餘積至萬曆四十

六等年因東虜蹂躪梁除年例草束之外三次

買軍興援兵草共三十萬束除彼時放給社

兵援兵草束外每場實存草二十七萬束有

不等與年例草束挨年兼放出陳易新期免漕
爛近因虜騎臨京援兵雲集隨將先年議買軍
興援兵草束作正支放兩月以來所存無幾各
場空虛業經本部具題明智等五場每場加買
新草十萬束奉

旨下部行文着令速完今監督身任責成急欲完公
查各場商役原額每場一十五名節恐僉派騷
擾漸減至五六名尚資無力承辦豎籤免當其
應役者僅三四名值今夷氛未靖附近鄉村皆

受夷害收草爲艱呈議僉補商額協辦草束義
在急公相應具題案呈到部該臣等看得京五
草場每年每場題買草三十萬供應京營馬匹
二十兩月之用此歷年營伍舊規也後因東虜
犯順議買軍興援兵之草每場各三十萬此邇
年預備近例也茲者奴孽突入內地援兵四集
動支明智等場草束以爲秣馬厲兵之用兩月
以來供億甚夥所存無幾臣部殊以不繼爲憂
雖在匱竭不敢緩視議令明智等場每場加買

新草十萬外解至日卽便照例截支酌給價值
已經具題奉

旨行文各場司官督商收買矣今據監督李不伐程
世培呈稱每場見在承辦草束商役僅三四名
又有在外夷容無踪者有在內逃避不出者必
得僉補商役分頭協辦乃有實濟且近京地方
俱被虜騎蹂躪荒涼已甚必得殷實商人遠地
招徠方可湊集及查僉商一事舊例係巡青科
道衙門編審伏乞

皇上天語叮嚀巡青衙門每場速僉真正殷實堪從
商人十名開會臣部以便責成辦草庶衆擎易
舉而軍興有賴矣

崇禎三年正月初十日具

題本月十二日奉

聖旨草商務擇殷實每場十名巡青科道官速行審
僉不得仍前濫及無力致生豎籤等弊有悞軍需
該衙門知道欽此

加增粟米賑卹疏

題爲校虜突入內地

神京拱護宜周敬陳一得以奠未然之形以收有用之實事廣西清吏司案呈奉本部送戶科抄出光祿事典簿廳典簿署錄事事賀懋光題將東西二寺濟貧粟米給散閒民緣繇等因崇禎二年十一月十三日奉

聖旨這冊報閒民給米收歇着五城御史各督坊官速行原給東西二寺飯米移用不數量增着該部

另議具奏欽此欽遵又奉本部送戶科抄出巡視

西城山西等道監察御史田時震等題爲欽奉

聖諭事等因崇禎二年十一月二十五日奉

聖旨知道了粥米比平時加給該部知道欽此欽遵

又奉本部送戶科抄出巡視北城江西等道監

察御史楊通宇等題爲欽奉

聖諭事等因崇禎二年十一月二十六日奉

聖旨人多增廠仍查真正貧民設法均給不致譁擾

糧米酌量增發該部知道欽此欽遵又奉本部送

戶科抄出巡視南城廣西等道監察御史羅世錦等題爲遵

旨回奏事等因崇禎二年十一月二十七日奉

聖旨南城新舊粥廠處所并該管職名知道了羅世錦等時加督察務使實惠覃及窮民加米該部商酌具奏欽此欽遵又奉本部送戶科抄出巡視中兵馬司地方浙江等道監察御史譚汝偉等題爲遵

旨回奏以賑窮民事等因崇禎二年十一月二十九

日奉

聖旨粥廠增設着于原支太倉剩米外再酌行給發
稱朕軫卹窮民至意該部知道欽此欽遵各抄出
到部通送到司查得各疏俱係賑卹貧民事同一
一體案查東西捨飯二寺賑濟貧民粟米每月
動支一百八十石係應給光祿寺錢鈔銀兩內
扣抵至于五城賑濟貧民粟米該本部每年于
十月間具題五城各給不等共米二千九百八
十六石照依節年數目行太倉動支柴煤銀于

五城房號銀內動支奉行在案今典簿賀懋光御史田時震等題稱戎馬深入避難貧民逃入城內拾倍於昔淆惑倡亂卒多起于貧民欲加粟米以便收歇賑濟既經奉有加增之

旨合應加增庶貧民有食無譁矣等因案呈到部該臣等看得賑濟貧民本部原有題

請定數近今逆奴突入內地逃民入城避難者多是宜收養就食務使貧民普沾實惠既經屢奉

明旨加增賑恤臣等仰遵

德意隨將五城原額粟米各加一倍計增米二千八百八十六石移會都察院轉行五城御史收歛賑濟去訖俟事完之日聽該城將賑濟過貧民并收養過閭民各數目造冊

奏繳合將各疏一併具覆

崇禎三年正月二十一日具

題本月二十四日奉

聖旨是欽此

題請草場修築牆垣疏

題爲草場牆垣最卑急宜修築以保無虞事廣西
清吏司案呈崇禎三年正月初八日奉本部送
戶科抄出巡視西城山西道監察御史田時震
題稱臺基廠草場牆垣最卑急宜修築等因崇
禎三年正月初六日奉

聖旨這圍牆着即修補完日具奏各場一體查行該
部知道欽此欽遵抄出到部送司隨即呈堂劄行
監督即將臺基廠草場圍牆速行估計修築其

各場逐一備細確查分別應否脩築據實呈請酌奪去後續據監督員外郎陰化陽呈稱

御馬中府天師菴三場圍牆俱係高厚堅固毋容增築又據監督主事張杲呈稱各場草束俱係露積所賴牆垣完固以保無虞經今多年未脩以致內外牆垣二層并廨宇等項陸續倒塌迫盡明智場應脩東西南北四面牆共五百六十五堵應修大門一座更房二間臺基廠草場應修東西南北四面牆共二百五十一堵應修大

門一座北新場應修東西南北四面牆共四百一十五堵更房大門各三間今幸巡視西城田御史巡及其題足見爲

國惜儲至計合無速行題覆移咨工部將三場額有牆廨查照中府天師菴用蜈蚣式格估計補修應用錢糧事在工部合聽該部估計等因又據監督主事程世培呈稱本職象房倉場先經工部修理不開外其安仁坊草場墻垣廳舍委已年久墻係土築一遇霖雨每致傾圮今欲議

修墻垣當此匱乏之時宜爲節省之計擇其堪
塌處所量行修葺至于西城坊草場週圍應修
墻共三百五十堵應修四角更樓四座大門三
間伏候題覆移咨工部修理各等因到部送司
查得前事先經巡視西城御史田時震具題奉
旨下部劄行各該監督司官行查估計今監督俱稱
修理例屬工部相應具覆請

旨移咨修築案呈到部該臣等看得各場貯草皆係
軍馬急需每場設有監督管理草多露積是必

墻垣堅固巡守嚴密方可以爲火盜之防但平時止禦內盜即土墻低薄亦堪守禦今奴夷犯順奸細叢生比常尤爲萬分喫緊臺臣之具題明旨之諄切信當速爲經營者也及查往例小有傾圮俱本部自爲設處修理若或大有改創盡屬工部估修見有象房倉場近例可循目今草場墻垣工程頗鉅則臣部有不得不控籲於聖明之前者矣既經臺臣具題前來相應覆

請恭候

命下臣部移咨工部速行估計修築俾防禦有賴而
意外無虞斯倉場之幸而臣部之福也

崇禎三年三月初五日具

題本月初八日奉

聖旨是欽此

題覆巡青科道條議壩上事宜疏

題爲摘議巡青要務以恤民生以裨

國計事廣西福建清吏司案呈崇禎三年二月二十三日奉本部送戶科抄出督理巡青禮科等衙門給事中等官張鏡心等題前事等因崇禎三年二月二十二日奉

聖旨這牧地雜占致減額徵款段僅存緩急奚恃着該監查明具奏目前葺築城垣移兵駐守索還那借俱係要議該部卽與覆行欽此崇禎三年三月

十三日又奉本部送戶科抄出司禮監秉筆
監掌御馬監印務曹化淳等題同前事崇禎三
年三月初十日奉

聖旨這奏壩上職掌考據甚晰清占修築該監業已
查行開墾商辦隸在戶部的還着一體申飭該部
知道欽此欽遵通抄到部送司查得牧地款段并
壩上事宜既經該監查明具奏外惟是動支子
粒葺築城垣係福建司經承那借京糧係廣西
司經承又移兵守壩係兵部職掌隨卽呈堂核

咨去後續准兵部咨稱壩上係馬政要地介在京通之間允宜捍禦若議守兵非京卽通矣通無多兵再難分撥京營派守

都城亦難更調惟城下王總鎮團練之兵原備應援之用倘有聲息量撥一千前往防守則操演捍禦亦兩不相妨等因到部送司查得移兵事宜既經兵部查議前來似當依議并修築城垣那借京糧二款一併具覆案呈到部該臣等看得京左設立壩大二十四馬房爲龍驤栖牧之

所良有深意而壩上又居京通適均之地道里
各半洵稱衝要去冬虜騎西馳倘得一旅防守
何至蹂躪若此巡青科院自擊時事有慨於中
因議分通兵以防壩上此誠衣袂之長慮也第
通州亦係要地殊苦兵少難分欲撥京營之軍
又非居重馭輕之意今准樞部咨議量撥總兵
王威所統團練兵一千名俟有警息卽差官率
領前往壩上防守與通州順義相爲犄角務使
屹然金湯實可拱護

神京所當亟爲舉行者也至於壩大城垣門時
密通昌之間豈堪頽廢據通州空運冊開闢
子粒銀兩每年額徵三萬三千九百二十三兩
一錢九分四釐九毫八絲三忽一微八纖內除
撥給

營昌各公主養贍及給爵等銀共五千六百五十
四兩七錢四分八釐五毫二忽一微實徵解京
糧銀庫二萬八千二百六十八兩四錢四分六
釐四毫八絲一忽八纖允宜就彼動支一年修

築城垣應用者也至於那借京糧銀兩蓋因
冬虜臨城下援兵四集太倉空虛軍餉萬分無
措臣部題借京糧銀一十一萬七千餘兩作
軍餉支用昨二月分京管料草約已補過三萬
有餘今三月二十五日應散商價臣部雖稱
乏亦須委曲設處查得先年舊欠題定每季新
餉司還銀五千五百九十六兩今二季共還銀
一萬一千一百九十二兩舊餉司還銀一千六
百二兩四分二季共還銀三千二百四兩八分

此舊借補還之數也新借京糧臣又令新舊
庫共措處四萬金湊發商價連前二月料草
計新借銀項已還過十分之五此新借還之
數也其餘所欠銀兩以臣本意非不亟欲全完
以結前局無奈虜氛未靖邊儲呼庚需餉正殷
庫藏若掃姑容分作夏秋冬三季陸續補還斷
無久假而不歸者耳既經科臣題議前來相應
覆

請恭候

欽定四庫全書
臣部移文各該衙門一體遵奉施行

崇禎三年三月二十九日具

題四月初三日奉

聖旨這壩上事宜既經查議着與飭行新舊借過銀
兩還陸續償完以便給商該衙門知道欽此

題請預支丁字庫商價疏

題爲亟催補還物料以佐軍興事廣西清吏司
呈卷查崇禎二年九月內奉本部送戶科抄出
丁字庫掌庫事內官監太監翟應奎題催

典禮那用銅錫等料照數買辦還庫以償各衙門年
例等因奉

聖旨先帝

聖母喪禮那用該庫物料爲時已久着作速辦償不
得再稽該部知道欽此欽遵案查天啓七年九月

廣西清吏司
卷之二
二十七

內該丁字庫揭討

典禮需用銅錫漆油等料緣錄到部奉本部前任
書郭允厚批

大禮之時顏料最急司查速之奉批到司隨查舊
移文巡視庫藏監局科院僉商派辦去後隨
巡視庫藏監局科院潘士聞等回稱

京師民力困極不堪僉報重累查珠寶草場二
舊商令其照前代辦移會前來續准巡青科
李覺斯等手本開稱封疆多事之時倉場開

最重商人重累難支已經題奉

欽依將十庫錢糧另行僉派各場草商免其代辦
等因到部隨該本司查得商役未定庫藏價
發引期迫一時難辦議將該庫年例錢糧那
以襄

大典候通融買補外已經呈堂移庫遵行訖隨准
視庫藏監局科院開稱珠草二商均屬苦役不
堪重累查該庫原有舖戶力能承辦業經移文
該庫酌議將舖戶王九誠等認辦第王九誠等

原係工商豈肯其代戶役既用其力而不
財非商賈出途之政合應查照新估外解價
量給預支庶急公恤商兩便矣移會到司續
崇禎元年八月內該巡視太倉銀庫戶科給
中鍾炆題議商因一疏奉有以後僉派各衙
商役着該部預支給與不得庶累小民之

可隨該本司查照先年舊價該銀六萬六千二百
十兩于內議給預支銀二萬二千兩移會巡
庫藏監局科院該本科院轉移下字庫覆查

允誠等身家殷實保結回覆到部祇以年
用匱訕未獲召買客歲九月復經該庫題
請奉有

明旨作速辦償又值去冬逆奴犯順軍餉不敷暫
停止今准該庫屢次揭催前來方議出單給
辦納間今六月十三日復准巡視太倉銀庫
院宋鳴梧等手本開稱念今軍需緊急

功令森嚴恐任非其人遺日後不了之局職掌
關不得不為過慎查王允誠等果係殷實保

他虞預支銀兩應否合例希卽明白錄覆
價值數目以憑查照等因前來查得應否給
合應題

請案呈到部該臣等恭照

典禮所需銅錫漆油等料前以倥偬難辦那用丁
庫各衙門年例錢糧以終

大典奉有作速辦償不得再稽之

旨自應照數買補案查舊例僉商派辦均係先行
納而後給與價值前任巡視庫藏科院彭念

艱曲體民隱僉商惟恐擾民而珠草二商又
苦役不堪重累查有工商王允誠原係該庫
人復經覆勘其身家殷實議給預支令其代辦
似在可從臣等再三酌量固不敢破例而徇情
亦不敢膠柱而妨事議于舊價該銀六萬六千
二百二十兩內量給預支銀二萬二千兩給發
本商領單承辦近准太倉銀庫科院宋鳴梧等
手本又恐給以預支後有拖欠之虞此實慎重
遠慮但新商之僉派無期而該庫之催補甚急

召買既苦於無人預支又恐其非格况近合
價俱於

午門前唱名給散題奉

欽依遵行在案則此項議發之商價有無合例又非
臣等之所敢擅專也或准給預支或照例會商
理合具題請自

聖裁臣等不勝悚息待

命之至

崇禎三年六月十八日具

題本月二十一日奉

聖旨商價預支前已有旨道舊商王允誠等既係殷實着量先給價買補該庫物料以省僉派餘不爲例仍嚴限辦完勿令延悞欽此

覆廣盈庫變染布絹疏

題爲急缺

欽賞顏色布絹乞

賜照例支染貯庫以備供應事廣西清吏司案呈崇
禎三年六月二十四日奉本部送戶科抄出廣
盈庫掌庫事御馬監太監孫近禮等題前事等
因崇禎三年六月二十一日奉

聖旨着戶部照例查行該衙門知道欽此欽遵抄出
到部送司案查萬曆十年八月內該廣盈庫署

印副使湯沐奏稱絹布缺乏乞要變染本部
奉

欽依將變染工價動支太倉庫銀包裹脚價舖蓋等
費於順天府宛大二縣舖行稅契銀內湊給十
六年該順天府府丞宋仕題本部覆議變染絹
布包裹等費於順天府各州縣存留稅糧銀內
通融取解節奉

欽依欽遵在卷今該前因通查案呈到部看得廣益
庫掌庫事御馬監太監孫近禮等題稱布絹錢

乏乞要變染共五萬疋以備應用一節爲照
庫布絹係供

上用并各衙門關支今旣奉有

明旨似應變染備用相應覆

請恭候

命下本部劄行順天府轉行宛大二縣僉審殷實染
商每縣二名責令承行該吏協同該庫官吏并
各商前赴甲字庫關領闊白綿布二萬五千疋
於承運庫關領闊生絹二萬五千疋仍着宛大

二縣掌印官督催染商限三個月以裏照數
完送庫應用至於合用染價於太倉銀庫動支
其包裹舖蓋等費行順天府於各州縣存留稅
糧銀內酌解支給完日仍將進過布絹動支過
銀兩各數目呈部查考

崇禎三年七月初五日具

題本月初九日奉

聖旨是欽此

覆南京戶科找給積欠商價疏

題爲微臣巡視告竣各商苦極當蘇懇乞

聖明軫念亟沛

恩膏以拯倒懸以裕供應事廣西清吏司案呈崇禎
三年七月二十七日奉本部送戶科抄出巡視
錢糧南京戶科給事中陳堯言奏前事內稱南
都監局每歲春秋二運

御用龍袞各色袍服以至鳳陽

皇陵帳幔

祖宗陵廟各功臣享祀

神帛并近奉傳造

冊封

中宮

東宮陳設儀仗

鹵簿大駕

詔勅命軸等項例僉絲花金條金箔等商而料價則
有戶部額設銀兩所入饒供所出往時先給
後辦料各商科之嗣後料入而價隨給頻年

來南儲經幾搜括兼以外解不前兵餉急而商
價緩至有天啓年間料價尚未清楚者苦累情
形骸棘幾死賴計臣鄭三俊南企仲等幹濟釐
剔勞怨不辭外解漸集庾帑稍克合無於衆商
上料之後實收到部之時卽與劄庫將前項價
銀速爲移文會放而以前欠價亦速爲找給災
筭子遺庶幾其有廖乎等因本年七月二十五

日奉

聖旨南商納料卽應給價近因兵餉借支壓商貽困

這本說庫儲稍充便當如期會放并積欠找給部
部卽與議覆欽此欽遵抄出到部送司案呈到部
該臣等看得

國家經費殷繁不分南北凡有所需種種取給於
商自預支之例開先給價而後辦料致逋負相
仍莫可究詰則病在國近因帑藏空虛卽上料
許久而價未半給又致窮商坐困則病在商今
據南京巡視錢糧科臣陳堯言疏稱留都所餘
絲花金條金箔等商料價一切待給南部額

銀兩若商料已輸而卽時給價於商固有利於國亦無損奈年來之時事多艱貯蓄之搜括已盡醫瘡剜肉支吾兵餉于燃眉露肘捉襟拋擲商資於流水舊商之解脫正苦無門而新商之僉派又驅入阱苦累情景科臣之描摹亦已盡矣茲幸留計部臣鄭三俊南企仲等主持會計極力振刷夙弊頓絕外解踵至今帑藏稍充矣合無如科臣議今後衆商上料完日實收到部卽與劄庫將前應得料價移文會放卽以前連

欠者一時不能找給不妨陸續通融以漸補還
斯亦惠商裕民之政所當容行南部酌量舉行
者也既經具奏前來相應覆

請恭候

命下臣部移文各該衙門一體遵奉施行

崇禎三年八月初六日具 題本月初十日奉

聖旨這積欠料價雜陸續找給以蘇商困部科經營
各官遵照近行廷發事例當面驗散俾沾實惠如
有留難抽扣諸弊叅來重處欽此